

ԳՐԱԿԱՆ

ՊԱՊՍ

Երկրաշարժից անցել էր մեկ տարի: Փողոցում դղրդոցով անցավ «տրամվայը»: Սեղանին դրուած բաժակների ու ամանեղէնի միջով մի դող անցավ: Երեխան փաթաթուեց հօրը եւ վախեցած աչուկները յառեց դէպի առաստաղ: Կուչ եկաւ:

- "Իե՛ռ վախը մէջն է".- հայրը հոգոց հանեց եւ իր կրծքին սեղմեց փոքրիկը: Առաստաղից կախ՝ ծանր տարուբերում էր ջահը: Ես լցրեցի բաժակները:
- "Հա՛, ի՞նչ էի ուզում պատմել".- Տիգրանը փորձեց մոտեցնել հաւաքել: Յիշեց:

- Երկրաշարժից մի քանի տարի առաջ էր: Մերոնց տեսնել ուզեցի:
- "Լցու՛՛է մեքենան".- ասացի:

Երեխաներս իրար անցան:

- "Գի՛ւղ եմ գնալու".- ցատկոտեց փոքրը եւ ոտնաթաթերի վրայ ձգուելով՝ մեքենայի դուռը բացելու փորձեր արեց:

Մի ժամ յետոյ արդէն շնչում էինք գիւղի կարօտած օդը:

Պապս նստած էր թթի ծառի տակ՝ յենուած ձեռնափայտին:

Երեխաներս սկսեցին բզբզալ նրա շուրջ:

- Ա՛խ, ինչ անո՛ւշ էք:

- "Ո՞նց ես, պա՛պ".- համբուրեցի ծառի կեղեւ ձեռքը:

- "Է՛հ, բա՛լա ջան, բոստանի փոզած ժամանակն ես եկել".- ժպտաց.- "Էս տարիքիս, էլ ո՞նց պիտի ըլնեմ":

- Զէ՛, լա՛ւ ես, պա՛պ: Դեռ մի եղբան էլ կ'ապրես:

- Տղա՛ ջան, ես իմ ապրածը ապրել եմ: Էսօր-էգուց մամորդդ եմ: Դո՛ւ ասա, ո՞նց ես:

- "Լա՛ւ եմ, պա՛պ: Լենինականում չորս սենեկանոց բնակարան ունեմ, երեք սենեկանոց էլ՝ Սպիտակում: Պա՛պ ջան, իմ ունեցածով թոռանս թոռն էլ կ'ապրի".- վերջացրի խօսքս:

Մերունին հարցական մայեց ինձ:

- Էդ ամէնը լա՛ւ է, բալա՛ ջան, բայց խող ունե՞ս:

Զհասկացայ պապիս հարցումը: Լոնցի: Նորից կրկնեց.

- Խո՛ղ, խող ունե՞ս:

- Պա՛պ ջան, ի՞նչ հող:

- Երբ առտու կը զարթնես, ոտքդ խողի վրա՞յ կը դնես:

- Պա՛պ ջան, դէ՛, կ'արթնանամ, տասնհինգերորդ յարկից վերելալով կամ աստիճաններով կ'իջնեմ փողոց:

Պապս վառեց ծխամորեը: Նայեց ուղի՛ղ աչքերիս:

- Ուրեմն ո՛չ մի բան էլ չունես:

«Խելքը կարծեմ թոցրել է».- մտածեցի:

Վառեցի սիգարետս....

*
*
*

Նոյն տարին՝ աշնանը, պապիս հողին յանձնեցինք:

Անցեալ տարի երկրաշարժին երկու բնակարաններս էլ քանդուեցին: Փողերն էլ փոխուեցին: Մնացի անտուն, անտիրական:

Պապիս յիշեցի....

Այս տարի հողատէր դառայ: Հողիս վրայ կանգնած՝ աչքերս երկինք բարձրացրի՝ խեղդելով արցունքներս.

- Պա՛պ, լսո՞ւմ ես, պա՛պ, թող ոտքերի տակ հող ունի: Ամուր կանգնած է իր հողին: Բո՛ւ ասած խողիմ, պա՛պ, լսո՞ւմ ես ...:

- Խմբմբ:

Բաժակները զնգացին:

Դրսում սկսել էր մթնել ...: